

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK**

Služba za upravljanje lokalnim razvojem
Savjet za ekonomski razvoj Grada Bihaća
Sektorski Tim urbanog planiranja i uređenja

Broj: 10/1-05-sl/17
Bihać, 17.08.2017.godine

Z A P I S N I K

Sa održane Prve proširene sjednice Sektorskog Tima urbanog planiranja i uređenja u salonu kabineta Gradonačelnika, dana 17.08.2017.godine s početkom u 11,00 sati.

Prisutni: Gradonačelnik Grada Bihaća g. Šuhret Fazlić, Sekretar Gradskog organa uprave g-đa: Sinha Kurbegović, Načelnik Službe za komunalne djelatnosti, vode i zaštitu okoliša g. Jasmin Stambolija, Načelnica Službe za urbanističko planiranje i građenje g-đa: Alma Osmićević, g-đa: Alma Muslić-Služba za urbanističko planiranje i građenje, g-đa: Sijana Hošić-Služba za urbanističko planiranje i građenje, g-đa: Mirela Hajrulahović-Služba za urbanističko planiranje i građenje, g-đica: Esma Krupić- Služba za urbanističko planiranje i građenje i članica Sektorskog Tima, g-đa: Jasmina Ibrahimpašić-Služba za komun.djel.,vode i zaštitu okoliša, g. Nijaz Lipovača-Načelnik Službe za upravljanje lokalnim razvojem-član Tima, g-đica: Jasmina Beširević-Šef Odsjeka za strateško planiranje i upravljanje projektima, Savjetnik Gradonačelnika g. Edin Moranjkić, g. Smajo Nuhić-predsjednik savjeta za ekonomski razvoj i član Tima, g. Miron Ibrahimpašić-član Sektorskog Tima, g-đa: Edina Osmanović-direktorica JU Zavod za prostorno uređenje Grada Bihaća, g. Sanin Begatović-Zavod za prostorno uređenje Grada, g. Ahmed Ibrahimpašić-Projektantski biro.

Tema sastanka: Prezentacija prijedloga Urbanog uređenja Grada Bihaća na pojedinim lokalitetima.

Jedan od zaključaka sa sjednice Savjeta za ekonomski razvoj Grada Bihaća, bio je da se formiraju sektorski Timovi savjeta, te da se tematski obrađuju aktualne tematike. Tako da je zadaća Sektorskog Tima urbanog planiranja i uređenja bila da se osmisle novi kvalitetni prijedlozi urbanog uređenja Grada Bihaća s ciljem da se valoriziraju kvalitetno postojeći potencijali kako bi se Grad Bihać učinio udobnijim kao mjesto življenja za građane Grada Bihaća, te kako bi se i ujedno na taj način polučili i određeni ekonomski benefiti po sam Grad.

Nakon uvodnog obraćanja g. Nijaza Lipovače-Sekretara Savjeta za ekonomski razvoj koji je ukratko upoznao prisutne o svrsi i ciljevima današnjeg sastanka i prezentacija pojedinih projektnih rješenja koje će biti izložene, pristupilo se samim prezentacijama.

Prvu prezentaciju održao je g. Miron Ibrahimpašić koji je predstavio Projektno rješenje Paviljona/moderne nadstrešnice u užem dijelu Grada / mogućnost lokaliteta na gelenderima ili u Gradskom parku/, na kom mjestu bi se održavali određeni kulturno zabavni sadržaji;

Drugu prezentaciju održao je g. Ahmed Ibrahimpašić, koji je prezentirao nekoliko Projektnih prijedloga za uređenje Grada Bihaća, kao što su: Grad na rijeci, Grad Biciklističkih staza, Grad Aleja-šetališta, Riječna pozornica i još nekoliko drugih urbanih rješenja;

Treću posljednju prezentaciju održao je g. Smajo Nuhić-predsjednik Savjeta za ekonomski razvoj, koji je predstavio ukratko projekat-šetnica na rijeci Uni kao i uređenje obala rijeke Une u užem dijelu Grada, projekt koji je bio aktualan prije nekoliko g. kad je Općinski načelnik bio g. Albin Muslić.

Nakon održanih prezentacija i veoma aktivne diskusije u kojoj su učešće uzeli skoro svi prisutni, donijeti su slijedeći:

ZAKLJUČCI

- 1) Izuzetno je pozitivno ocijenjeno što je došlo do organiziranja ovakvog sastanka na veoma aktualnu temu i uz učešće/prisustvo najkompetentnijih predstavnika Gradskih institucija po ovoj tematici;
- 2) Takođe veoma pozitivno su ocijenjenje izložene prezentacije sa ponuđenim projektno-urbanističkim rješenjima pojedinih segmenata Grada Bihaća;
- 3) U cilju sistemske i kvalitetne operacionalizacije ponuđenih i od ranije urađenih projektnih rješenja sa kojima raspolaže Gradska uprava, dogovoreno je da se iduće sedmice održi radni sastanak predstavnika Projektnih biroa i stručnih osoba iz Gradske uprave kako bi se sačinila kvalitetna analiza postojeće projektne urbanističke dokumentacije, na osnovu čega bi se odredili prioriteti za projektovanje i izgradnju adekvatnih projekata koji bi doprinijeli kvalitetnijem izgledu i uređenju Grada Bihaća;
- 4) Sa ciljem sistemskog i kvalitetnog pristupa urbanističkog uređenja Grada Bihaća i sa tim u vezi realiziranje određenih projekata, potrebno je objaviti javni poziv za izradu master plana uređenja Grada i Novih kvalitetnih projektnih rješenja.

Sastanak proširenog Tima završen u 12,30 sati.

Zapisnik vodio: mr.sc. Nijaz Lipovača-Sekretar savjeta za ekonomski razvoj

Predsjednik savjeta za ekonomski razvoj

mr.sc. Smajo Nuhić

Bihać, 17.08.2017.g.